



**OFFICE OF THE CHIEF ELECTORAL OFFICER  
MIZORAM**

No. H.12014/2/2023-CEO/Loose : Dated Aizawl, the 6<sup>th</sup> November, 2023

**PRESS NOTE**

**Subject: Inthlang turin Mizoram a inpeih ta.**

**6<sup>th</sup> November, 2023:** General Election to the Mizoram Legislative Assembly, 2023 atana inpuahchahna chuan a vawrtawp a thleng ta a, District hrang hrang 11 huamchhunga Assembly Constituency 40-a Polling Station 1,276 a inthlan buaipuitu tur, Polling party-te chuan an duty-na tur hmun theuh an thleng fel tawh a, naktuk November ni 7, 2023 zing dar 7 atanga tlai dar 4 inkara vote thlak turin Mizoram chu a inpeih tawh a ni.

Electoral Roll thar berin a tarlan danin Mizoramah vote nei mi 8,57,063 an awm a; heng zinga 4,13,062 hi mipa niin, hmeichhia 4,39,026 an awm a, Service voter 4,975 an awm bawk. Polling Station 1276 zinga 149 te chu P-2 Polling Station niin nimin khan an chhuak fel tawh a. Vawiin lamah P-1 Polling Station 1,127 a duty turte an chhuak ve leh a, vote thlak ni a duty tur Polling Official ruat mi 5,292 an awm a ni.

Tun dinmunah inthlan duty tur leh EVM/VVPAT khawl indaihlona a awm lova, venhimna lam thawk turin State Police personnel 4,518 bakah Central Armed Police Forces (CAPF) Company 50 rawih an ni a. Polling Station 765 ah Polling booth-a chetvelnate webcasting kaltlanga vil a ni dawn bawk. November ni 5, 2023 thlenga Dan phal loh thil man hlut zawng chu Rs. 4,05,17,522 a tling tawh a ni.

Kumin inthlanpui atan hian Contesting Candidate 174 an awm a, heng zinga 16 te hi hmeichhia an ni. General Election to Mizoram Legislative Assembly, 2023 atan hian Election Commission of India chuan General Observer 21, Expenditure Observers 14 leh Police Observer 11 te a ruat a ni.

Vote thlak nia vote tlak dante hi darkar 2 dan zelah Pollstar App kaltlanga report zung zung tura ruahman a ni a, inbiakpawh harsatna hmunah erawh MPRO kaltlanga chanchin inhrilhhriat tum a ni. Poll day-a a tul angte buaipuia ngaihven turin CEO Office-ah hetiang hian mawhphurhna hrang hrang changtu tur siam niin, biakpawh theihna pawh hetiang hian ruahman a ni:

State Control Room	: 0389-2954392/8787622508
Communication Contact Room	: 9810832455
Media Monitoring Control Room	: 0389-2954392/8787622508
Webcasting Control Room	: 9612153577
EVM Control Room	: 9436383058

Vote thlak ni poll day zing dar 7:00 atanga tlai dar 4:00 thlenga duty turin Pawan Hans Chopper ruahman a ni bawk.

Postal ballot hmanga vote tlak tawh dan vawiin 06.11.2023 tlai dar 5:00 thlenga hriat theih chin chu hetiang hi a ni:-

<b>Sl. No</b>	<b>District</b>	<b>Home Voting for 80+ &amp; PwD</b>	<b>Postal Ballot for Polling Personnel etc.</b>	<b>Total</b>
1.	Mamit	42	1229	1271
2.	Kolasib	138	808	946
3.	Aizawl	949	3755	4704
4.	Saitual	150	588	738
5.	Khawzawl	111	435	546
6.	Champhai	87	818	905
7.	Serchhip	168	880	1048
8.	Hnahthial	50	188	238
9.	Lunglei	189	1804	1993
10.	Lawngtlai	96	1595	1691
11.	Siaha	153	652	805
	<b>TOTAL</b>	<b>2,133</b>	<b>12,752</b>	<b>14,885</b>

State Level MCMC kaltlangin AAP, BJP, INC, MNF leh ZPM atanga Print Media leh Electronic Media advertisement chhuah tur Pre-certification dilna lut zinga 10 te chhuah phalna pek a ni.

Naktuk November ni 7, 2023 (Thawhlehi) zing dar 7 atanga tlai dar 4 thleng hian vote a thlak theih dawn a, he ni hi Sawrkar chuan Public Holiday-ah a puan mai bakah Sawrkar hnathawklote tan pawh hlawn kiam chuang lova chawlh ni 'Paid Holiday' atan a puang bawk a. Dry day-a puan a nih avangin zu zawrh leh in phal a ni lo a ni. Representation of the People Act, 1951 Section 126 in a sawi angin naktuk tlai dar 4 thleng hi campaign lam hawi reng reng neih/kalpui phalloh hun, Silence Period a nih vangin mipuite Dan zawma insum hram hram turin kan inngen nawn leh a ni.


Election Department chuan inthlanna huapzo, muanawm, felfai, dik leh langtlang, India ram pum tana entawntlak siampuiah mipuite a sawm a. Vote nei tawh phawt chu khua leh tui nihna anga mawhpurhnate hlenchhuaka vote thlak theuh turin a chah a. Kum hmasa lam zawnga vote tlate khuma India rama vote tlak thatna ber State kan nih theih nan thahnemngai taka tanrualpuiah mipuite a sawm nawn leh a ni.

**Sd/- H. LIANZELA**  
Addl. Chief Electoral Officer,  
Mizoram  
&  
Nodal Officer, Media Cell

**Memo No. H.12014/2/2023-CEO/Loose : Dated Aizawl, the 6<sup>th</sup> November,2023**

Copy to:-

1. PS to Chief Electoral Officer, Mizoram
2. All District Election Officers, Mizoram.
3. All Returning Officers, Mizoram.
4. Director, I&PR Department for wide publicity.
5. Station Director, AIR/DDK Aizawl.
6. President, Mizoram Journalists' Association.
7. Proprietor, ZONET/LPS Cable TV.
8. All Editors, Mizoram.
9. All Political Parties.
10. Guard File.

  
(LALLAWMKIMA)  
IPRO, State Media Cell  
CEO Office, Mizoram